

贈靳寶童

蓬頭日用道心堅好伴高公作小仙外學應緣除四相內修活業保三田

忻州張同知見請未能卽應以詩答之

平遙暫別到平陽一箇身軀幾處忙常憾功虧無變化不能普照應諸方

乙未季秋至介休縣洪山明霞觀作

洪山佳景洞天幽下枕清巖瀑布流更上高原三四里興來閑步到泉頭

過汾州義常村靈源觀土堽宿

道藏輯要

葆光集

卷八 四集十

土洞彎跽可避乖寒冬打睡日高齋有時暴客專相訪更人深堽不出來

太原平陽兩路經遊迎送者無閒斷

兩路應緣春復秋來迎去送暫無休人心不讓汾陽水伴我西南直到頭

詠河津紫金山老君峯

我來親筆記行蹤四顧山河是要衝仙境清高名自古至今呼作老君峯

過河津士庶求詩

洪波三面北圍山中建津城禹稷間道過相邀連信速滿川香